



TOSHKENT DAVLAT YURIDIK UNIVERSITETI REKTORINING B U Y R U G‘ I

01.06.2023

86-um-son

Toshkent davlat yuridik universiteti qoshidagi M.S.Vosiqova nomidagi akademik litseyning 2023/2024 o‘quv yili qabul komissiyasi faoliyatini tashkil etish to‘g‘risida

O‘zbekiston Respublikasi Prezidentining 2020-yil 3-dekabrda PQ–4910-son “Iqtidorli yoshlarni saralab olish tizimi va akademik litseylar faoliyatini takomillashtirish chora-tadbirlari to‘g‘risida”gi qarori, Vazirlar Mahkamasining 2021-yil 22-noyabrda 705-son “O‘zbekiston Respublikasi Adliya vazirligi tizimidagi ta’lim muassasalari faoliyatini yanada takomillashtirish chora-tadbirlari to‘g‘risida”gi qarori hamda O‘zbekiston Respublikasi Adliya vazirligi va O‘zbekiston Respublikasi Vazirlar Mahkamasi huzuridagi Davlat test markazining 2022 yil 27 yanvarda 1 va 01/QQ-son qarori bilan tasdiqlangan Toshkent davlat yuridik universiteti qoshidagi akademik litseyga o‘qishga qabul qilish uchun test sinovlarini o‘tkazish tartibi to‘g‘risidagi nizom (ro‘yxat raqami 3346, 2022-yil 27-yanvar) talablariga asosan, shuningek Toshkent davlat yuridik universiteti qoshidagi M.S.Vosiqova nomidagi akademik litseyga 2023/2024 o‘quv yilida o‘qishga qabul qilishni sifatli tashkil etish maqsadida

B U Y U R A M A N:

1. 2023/2024 o‘quv yili uchun Toshkent davlat yuridik universiteti qoshidagi M.S.Vosiqova nomidagi akademik litseyga umumta’lim maktablarining 9-sinf bitiruvchilarini o‘qishga qabul qilish bo‘yicha qabul komissiyasining (keyingi o‘rinlarda – qabul komissiyasi) tarkibi ilovaga muvofiq tasdiqlansin.

2. Qabul komissiyasi (Sh. Maxmudov) test sinovlariga tayyorgarlik ko‘rish va ularni o‘tkazish bilan bog‘liq quyidagi vazifalarni amalga oshirsin:

qabul komissiyasining e’lonlar taxtasiga hamda akademik litseyning rasmiy veb-saytiga 20-iyunga qadar Toshkent davlat yuridik universiteti qoshidagi akademik litseyga o‘qishga qabul qilish uchun test sinovlarini o‘tkazish tartibi to‘g‘risidagi nizom, ta’lim yo‘nalishlari, ta’lim shakli va o‘qitish tili bo‘yicha qabul kvotalari, ularga muvofiq test sinovlari o‘tkaziladigan fanlar majmuasi hamda test topshiriladigan ta’lim yo‘nalishlari ro‘yxatini joylashtirish;

qabul jarayonini uyushqoqlik bilan, tartibli tashkil etish, abituriyentlarga ularning test sinovlari jarayonidagi vazifalari, huquq va majburiyatlarini tushuntirish, test sinovlari jarayoni bo'yicha maslahatlar, ko'rsatmalar berish;

abituriyentni test sinovlari qoidalari bilan to'liq tanishtirish;

ro'yxatdan o'tgan abituriyentlarning test sinovi jarayoniga qatnashishini nazoratga olish;

ro'yxatdan o'tgan abituriyentlarning ma'lumotlarini 24 soat ichida tekshirish va tasdiqlash, agarda kiritilgan ma'lumotlarda kamchiliklar mavjudligi aniqlansa, ularni abituriyentlar bilan bog'langan holda bartaraf etish.

3. Akademik litsey direktorining o'quv ishlari bo'yicha o'rinbosari, qabul komissiyasi raisi o'rinbosari A. Pirnazarov:

qabul komissiyasiga jalb etilgan xodimlarning vazifalarini aniq belgilasin;

o'quvchilar va ularning ota-onalariga qabul jarayoni bo'yicha ma'lumotlar berib borilishini tashkil etsin;

fuqarolarning og'zaki va yozma murojaatlariga o'z vaqtida asosli javob berilishini ta'minlasin;

qabul jarayoniga oid yangiliklar va e'lonlarni ommaviy axborot vositalari, shuningdek ijtimoiy tarmoqlar va akademik litseyning internet saytida e'lon qilib borilishini tashkil etsin.

4. Devonxona (X. Abdullayev) mazkur buyruqni manfaatdor tarkibiy bo'linma va akademik litseyga yetkazilishini ta'minlasin.

5. Ushbu buyruqning ijrosini nazorat qilishni o'z zimnamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Bo‘lim boshlig‘i

B.AVAZOV



Kelishildi:

Ilmiy ishlar va innovatsiyalar
bo‘yicha prorektor

B.XODJAYEV



Moliya-iqtisod ishlar bo‘yicha
prorektor

A.IMINOV



Katta yuriskonsult

A.TURSUNOV



Devonxona mudiri

X.ABDULLAYEV



Ijrochi direktor

SH.MAXMUDOV



Buyruq bilan tanishdim

B.AVAZOV

